

المؤسسات الغالبيات 2 ح 77 أطفالنا والقرآن الدكتور شريف طه

يونس 71 11 9102

شريف طه يونس

ساعديني يا رحمن اشرح واسقي حياتي السلام عليكم ورحمة الله وبركاته ان الحمد لله تعالى نحمده ونستعين به ونستغفره نعوذ بالله تعالى من شرور انفسنا ومن سينات اعمالنا انه من يهدى الله تعالى فلا مضل له. ومن يضل فلا هادي له - 00:00:00

اشهد ان لا اله الا الله وحده لا شريك له واشهد ان محمدا عبده ورسوله ثم اما بعد اهلا وسهلا ومرحبا بحضراتكم وحلقة جديدة من حلقات اطفالنا والقرآن ولا زلنا في اصول التعامل قواعد التواصل مهارات التفاعل مع الاطفال في ضوء السنة النبوية - 00:00:38

كنا في حديث خاص عن اصول التعامل مع الاطفال آاه من من الفئات الخاصة ونقصد بالفئات الخاصة هنا اللي يمكن تناولناه في الحلقة الماضية اه يعني بشكل اكبر اه البنات بالذات - 00:01:01

آه تعامل النبي صلى الله عليه وسلم مع البنات او هنتعلم من سيدنا النبي صلى الله عليه وسلم اصول التعامل آه مع البنات وزي ما قلنا عايزين نركز على اصول الاصول. عايزين نركز على السمات المميزة لمنهج النبي صلى الله عليه وسلم في التعامل مع البنات - 00:01:22

عايزين يبقى انشغالنا الاكبر بالتأسيس والاعتبار ويما ريت ما يبقاش مجرد انبهار واكبار طيب قلنا ان من الاصول الكبرى اللي اتعلمناها من سيدنا النبي صلى الله عليه وسلم مسألة العدل - 00:01:38

مع البنات اه العدل بينها وبين الاولاد. والمطالبة بحقها ما يستنكف المرء ان يطالب بحق البنت يعني خدوا بالحضراتكم من حاجة. احنا في حديث اه سيدنا النبي صلى الله عليه وسلم اللي ذكرناه اللي هو قال فيه سيدنا انس كان مع رسول الله صلى الله عليه وسلم رجل فجاء ابن له فقبله - 00:01:54

على فخذه ثم جاءت بنت له فاجلسها الى جنبه قال فهلا عدلت بينهما في حاجتين. الاولى ان هنا النبي علمنا ان من اصول التعامل ان انا اعدل اعدل بين ابني وبنتي - 00:02:14

حتى في امور العاطفة الامور العاطفة اه حتى في التفاعل الوجданى حتى في تلك الامور المعنوية. ان انا مطالب عدل. مش بس انا مطالب ان انا اعدل على مستوى آه الامور المادية اطعمها اطعمها آه - 00:02:31

اكسوها لا لا ده فيه كمان عدل على مستوى اقبلها اقبلها اضمه اضمه اه في حجري اجلسها في حجري يعني لابد ان العدل يكون على المستوى ده. دي ده الاصل الاول - 00:02:48

الاصل تنت علينا من سيدنا النبي صلى الله عليه وسلم المطالبة بحق البنت. يعني ما يستنكف المرء منا ان يطالب بحق البنت يعني عادي انا لو وجدت بقى الصورة الثانية - 00:03:05

ان انا مش انا بقى عامل كده لا لو وجدت من يفعل ذلك لا اطالب بالعدل ليه؟ هنا ده مهم جدا. يعني انت ممكن تجد اب مثلا وربما يكون عذرا ان هو انسان كوييس وصالح وملتزم - 00:03:16

وي فعل ذلك مع ابنته. انت تنظر عليه بالضوابط الشرعية. اما مراعاة ما يسمى بالقدرة والعجز والمصلحة المفسدة تنظر عليه بالضوابط الشرعية فيما يتعلق بهذا الامر. ليه لأن البنت دي نريد ان نوصل لها رسالة ان مش هو ده رأي الدين ولا هو ده سلوك المتدينين. ولهذا ما اوصى به الله ولهذا ما اوصى به رسول الله صلى - 00:03:29

صلى الله عليه وسلم علشان ما تتركش فرصة للشيطان او لشياطين الانس بعد كده ان يوصلوا لها ان دي صورة الدين. فهي تفهم ان ده تطبيق خاطئ للدين - 00:03:55

مش هو ده الدين اصلا. مع مراعاة انك تحافظ يعني على ان انت ما تنتقصش صورة والدها او آآفلو كان الامر ده بينك وبينه لكان افضل. لكن لابد او من الضروري ان المسألة دي تراعى - 00:04:06

وانا باوصي اوصي فعلا الاخوات الصالحات تحديدا يعني او بعض الاخوة الصالحين اللي ممكن يكون مع محارم محارمهم آآ من النساء ممكن تكون مسلا بنت اخوه ممكن تكون آآ مسلا آآ زوجة ابنه - 00:04:19

اه وهو شايف ان فيه لون من المعاملة اللي هي اصلا لم يوصي بها الله. ولم يوصي بها رسول الله صلى الله عليه وسلم. نأكد على فكرة ان مش ده الدين مش ده سلوك النبي صلى الله عليه وسلم مش ده ما اوصى به. نأكد على ان احنا مش عايزين نتهم الدين - 00:04:40

ولا عايزين نتهم الاسلام آآ بهذه الاتهامات ولنحمله تصرفات ذلك الشخص دي مسألة مهمة لأن في نوع ثاني بقى في حاجة تانية في حاجة اسمها الغيرة لهذا الدين وحماية جناب هذا الدين - 00:04:58

والذب عنه ورد السهام عن هذا الدين فدي مسألة مهمة ان قد يكون الشخص من ينتسبون لهذا الدين ويكون للاسف الشديد يلقي بهذه السهام التي تقع في مقتل اه من بنى والبنت دي بعد كده تبدأ هي ايه اه ترمي - 00:05:16

بسهامها في في يعني للاسف الشديد آآ في في في نحر دينها او في نحر آآ اسلامها ده احنا هنا ده ده دوران انا لو رأيت شيء من ده لأناني يعني انصح - 00:05:35

ووجه هل انكر احيانا ده اصل مهم من الاصول لانه في اصول التعامل مع البنات. طيب آآ النبي صلى الله عليه وسلم في الحقيقة بنشوف له مواقف تانية في الباب ده. عشان كده انا اهو بذكر تاني باللي انا اكدى عليه واستفدت فيه في الحلقة اللي فاتت. لابد ان - 00:05:50

البنات ما يعرفوا الكلام ده انا اوصي اوليات الامور الاباء والامهات اه اوصي حتى المعلمين والمعلمات ان ليه ما نعملش مسلا اه مجموعة حلقات كده مرتين ثلاثة جلستين ثلاثة هنقدر مسلا ممكن نقعد اه مع - 00:06:09

بناتنا نقول يا بنات انا كنت عايزاكم الام مسلا او الاب عايزه اعرفكم انتم مين عند النبي صلى الله عليه وسلم؟ نظرة النبي لكن حب النبي لكن رعاية النبي لكن - 00:06:24

اه مناصرة النبي لكن اه وكذلك الامر مسلا في المؤسسات التعليمية يكون في حاجة كده يعني حاجة من النوع ده انا اوصت بكده ان ده ضروري جدا علشان خاطر اللي - 00:06:37

التحصين المبكر لان في الغالب بتبقى للاسف الشديد جهالات وبتبقى تصرفات يعني للاسف هي غير سليمة. وفي مجهودات مباركة في هذا الباب يعني من كثير من الاخوات الباحثات والاخوات المصلحات الحقيقة في في هذا الباب. طيب - 00:06:49
المهم عندنا موقف تاني جميل حصل يعني قصة كده بنتابعها مع بعض يلا نتابع احداثها مع بعض بيحكها سيدنا عبدالله ابن عمر رضي الله عنهم بيقول توفي عثمان بن مظعون الصحابي الجليل. وترك ابنته له من خolieة بنت حكيم بن امية. عايزين نركز في الاسماء - 00:07:08

بيقى دلوقي اللي توفي هو سيدنا عثمان بن مظعون ده الوالد والوالدة كانت خolieة بنت حكيم بن امية تمام؟ طيب واوصى الى اخيه قدامة ابن مظعون قال عبدالله وهو خالايا - 00:07:29

يعني دلوقي سيدنا عثمان ابن مظعون توفي واوصى يعني من بعده لأخيه قدامة ابن مظعون كولي يعني او هو يعتني بييه باسرته من بعده فسيدنا عثمان ابن مظعون اللي هو المتوفى - 00:07:49

وسيدنا قدامة ابن مظعون هم بالنسبة لسيدنا عبدالله بن عمر الراوي ايه وما خالاه يعني هم اخواله. ماشي؟ طيب. والام اللي هي خolieة بنت حكيم ابن امية. طيب قال خطبتنى قدامة ابن مظعون ابنة عثمان ابن مظعون فراح لخاله اللي هو سيدنا قدامه

اه خطب منه اه بنت سيدنا عثمان ابن مزور. طيب فزوجنا فزوجنيها ولم يشاورها فقال له خلاص يعني احنا مش هنلاقي احسن منك.
آآ دلوقتي آآ دي بنت آآ بنت خالك - 00:08:26

وانت رجل صالح ومن نسل صالح فخلاص زوجها له قال له خلاص اعطاه الوعد بدون ما يشاور البنت بدون ما يشاور هذه البنت. اللي
هي دلوقتي في حكم انها ايه يتيمة. في حكم انها يتيمة - 00:08:45

ودخل المغيرة بن شعبة الى امها فارغبها في المال فحطت اليه طب سيدنا المغيرة عرف ان هي آآ سيدنا عبدالله بن عمر آآ تزوجها او
يعني خد وعد بزواجه وراح دخل في المشهد لا - 00:09:02

هو كان جاء من طريق اخر يعني هو سيدنا عبدالله بن عمر جاء من طريق اخوالها اللي هم اقرب له وسيدنا المغيرة ابن شعبة جاء من
طريق امها من طريق امها. خلاص؟ انما مش سيدنا المغيرة يعرف ان سيدنا عبدالله بن عمر عمل الكلام ده - 00:09:23

او يعني عنده وعد بالايده؟ بالزواج طيب فاصبح دلوقتي في وعد بالزواج. يعني انتم واخدin بالكم من الابطال سيدنا قدامة ابن
مظعون دلوقتي وبنت سيدنا عثمان ابن مظعون وسيدنا عبدالله ابن عمر وسيدنا المغيرة ابن شعبة والسيدة خويلة بنت حكيم ابن
امية. دي اطراف الحدس دلوقتي - 00:09:41

دخل المغيرة ابن شعبة الى امها فارغبها في المال. فحطت اليه. يعني عادي هو انا كرجل يعني دخلت في مسألة زواج الا عندك ايه
مميزات ايه انت يعني ليه بنت تتزوجك؟ فهو يعني كان كان موسرا من ناحية المال. وكان سيدنا عبدالله بن عمر كان فقيرا -

00:10:02

فارغبها من ناحية المال فهي رأت ان سيدنا المغيرة رجل صالح برضه ما فيش مشكلة. آآ وفيه ميزة اضافية ان آآ موسرا او حالته
الاقتصادية افضل فاكيد الام ترغب لابنتها في ذلك - 00:10:23

فارغبها في المال فحطت اليه يعني هي المرأة اللي هي السيدة خويلة !! مالت لسيدنا المغيرة ابن شعبة وحطت الجارية الى هو امها
فابيا ابقى ايه لما حصل الكلام ده من سيدنا المغيرة ابن شعبة - 00:10:37

الام المفروض الخبر ده هيوصل لعمها بقى قدامي ابن مازون فسيدنا قدامي اخبر ان عاطي وعد لمين؟ لسيدنا عبدالله بن عمر
فلدلوقتi اصبح اه سيدنا عبدالله بن عمر جاي من طريق سيدنا قدام ابن مظعون - 00:10:57

فاصبح سيدنا المغيرة ابن شهاب بقى جاي من طريق امها اللي هي السيدة خويلة بنت ايه؟ بنت حكيم. والبنت كانت تميل لذلك.
ولذلك ده في في الفقه حتى خطبة الرجل على خطبة أخيه - 00:11:13

دي مش مش هي الصورة دي. يعني النبي صلى الله ان يخطب الرجل على خطبة أخيه. مش السورة دي الصورة ان ده جاي من طريق
وده جاي من طريق. خلاص؟ ده ما يعرفش - 00:11:26

ده ما يعرفش خلاص فاصبح عندها الاثنين فهي مخيرة تختار بقى يعني بينهما لو ده حضر وده حضر. مسلا واحدة كلمت والدتها
وواحد مسلا كان كلم والدها واحد كلم اخوها ان شاء الله خمسة ستة هيجتمعوا. هي في النهاية لها الحرية. المحرم ان الشخص ده
يبقى عارف ان ده تقدم وده عارف ان ده تقدم ويقوم ايه؟ يقوم يتقدم - 00:11:36

المهم وفيها تفصيل في الفقه مش مش ده مجاله يعني الشاهد دلوقتي اه البنت وامها اه هاوية الطريق بتاع سيدنا المغيرة ابن شعبة
طيب ارفع امرهما الى رسول الله صلى الله عليه وسلم. دلوقتي - 00:11:56

دي سكة ودي سكة. فقال قدامة ابن مظعون. هنشوف بقى سيدنا قدامة هيتكلم هيقول ايه؟ بيقول يا رسول الله ابنة اخي. يعني انا
المفروض ولها اوصى بها الي كمان انا يعني بعيدا عن ان انا اجتماعيا انا المفروض ولها وانا يعني المسؤول عنها كرجل - 00:12:16
لهو اوصى بها اليه فزوجتها ابن عمتها عبدالله ابن عمر فجوزتها من واحد مش بعيد عنها ده ابن عمتها يعني يرجى ان هو كمان يرعاه
ويهتم بها فلم اقصر بها في الصلاح ولا في الكفاء. خدوا بالكم من دي برضه. عشان ما حدش يقول لك ايه؟ اصل هو والله بقى حابب
آآ ابن اخته آآ - 00:12:35

ولا مسلا ايه عشان خاطر قال لك هي دي وسطنا ولا مش عارف أأ هو قال لم اقصر بها في الصلاح وصالح صالح لم يكن لو لم يكن صالح لها - 00:12:59

اختاره اصلا ولا في الكفاءة وكفاء لها كفاء الهايف ايه؟ هو كفاء الها من الناحية الاجتماعية من ناحية النسب الحسد من من ناحية المال حتى كمان ما كانش فارق كبير بينهم - 00:13:09

ولكنها امرأة بس هي امرأة يعني هي ويقصد يعني أنها صغيرة في السن ولا تدرك مصلحتها. وإنما حضرت الله أمها يعني هو شايف ان أمها شافت امور معينة فهي شايف أنها الاختيار بتاعتها وأكأنه يرى ان ما كانش اختيارها حر تماما يعني هي تأثرت باختيار - 00:13:23

امها شوية طيب ترى النبي صلى الله عليه وسلم هيقول ايه هنا يعني تخيلوا لو ان الموقف ده حصل في بعض بيئتنا آآ تصورووا المشهد كده فعلا الرجل العم البنت دي اللي هي يتيمة. هناخد بالنا بقى ان هي يتيمة - 00:13:47

آآ طيب يتيمة آآ في اختلاف في اليتيم يعني في ناس تقول ان في حديث صحيح صريح لا يتم بعد الاحتلال. يعني بعد الاحتلال او البلوغ مش اسمه يتيم انما في ناس بتقول لأن ان البنت ممكن يطلق عليها يتيمة حتى تتزوج - 00:14:08

حتى وان كانت بلغت لكن على على الظاهر والراجح ان البنت او الولد لا يسمى يتيم بعد الاحتلال انه بعد الاحتلال خلاص صار راشدا يعني او صار بالغا يعني فاحنا بنتكلم في الغالب على طفلة هي دون دون الاحتلال - 00:14:30

طب ازاي هي بتنجح وعد بالزواج زي ما حصل مع السيدة عائشة؟ طب ازاي دي صغيرة؟ لا البيئة بتاعتتهم كانت ربما يعني هي يكون هناك وعد بالزواج مباشر ولا تنكر الا اذا صارت امرأة اذا حاضرت يعني زي ما حصل مع السيدة عائشة لأن في في البيئة بتاعتتهم - 00:14:48

اه البناء الجسدي في هذه البيئات الحارة بيبقى في نضوج سريع تمام؟ وهي بتكون امرأة مش بس امرأة جسديا بتكون امرأة كمان اجتماعيا وفكريا وعندها تصور للأسرة والمسؤولية عن الأسرة - 00:15:08

يعني للاسف الشديد مش زي النهاردة ممكن تبقى عندها تمنتاشر سنة اللي عندها سبعتاشر تمنتاشر سنة لأنها طفلة عندها تلات اربع سنين. هي عندها تصور عن المسؤولية وتتصور عن الأسرة بشكل واضح. في - 00:15:25

في المجتمع اللي هي عايشة فيه المهم فالشاهد انها آآ دلوقتي يتيمة وعمها ولها وادي وعد خلاص والمفروض يعني ايه زي ما نقول بقى كده اللي كلامه دي كلمة رجاله - 00:15:35

او كلام رجال والمرأة وعدها امها كلام نساء امرأة وعدت رجلا يعني مش الوعد ده مش في قوة ده في واقعنا الاجتماعي احنا هنعمل ايه؟ نقول للبنت اسكنتي خلاص انت خلاص مش عارف ايه عمك قال كذا خلاص وهو كمان آآ عليك وصيك - 00:15:50

وده كمان ابن عمتوك وما جبنلكيش حد مسلا عذرا في اللحظة آآ صابع ولا بعيد لأ ده حد حد يعني كوييس جدا يعني ما فيش تقدير في في الصلاح ولا في الكفاءة - 00:16:09

في مجتمعنا البنت دي رغبتها واختيارها وما تريده هل هيبي لها حق اصلا انها تتكلم وتختر وتقول وتؤدي وتحيي مع مراعاة كمان ان لو حطينا عامل اشار اليه سيدنا قدامة ابن مظعون. وهو انها جارية صغيرة - 00:16:22

فهووية ما او حضرت الى هوى امها. يعني هي مالت اللي امها مالت له. لأن طبعا امها اقرب لها فكمان ممكن تكون عندنا عوامل تخلي نقول لأ ده ممكن نشك في اختيارنا الاختيار مش حر تماما - 00:16:45

طيب يا ترى النبي صلى الله عليه وسلم هي فعل ايه بالضبط ترى النبي صلى الله عليه وسلم هيقول ان لأه طبعا كذا وبعددين عمها وعد ووعد الاول ووعد عبدالله بن عمر وكمان بقى لو حطينا عوامل ان سيدنا عبدالله ابن عمر مسلا ابن سيدنا عمر ابن الخطاب - 00:16:58

هو قريب الى النبي وحبيب الى النبي صلى الله عليه وسلم لكن رسول الله صلى الله عليه وسلم قال هي يتيمة ولا تنكر الا باذنها هي يتيمة ولا تنكر الا باذنها. النبي صلى الله عليه وسلم شف التعامل هنا - 00:17:16

يبيقول لأدي ما يتعاملش معها ان يهدر حقها في اختيار زوجها يعني ما يهدرش حقها ده. فالنبي صلى الله عليه وسلم يطالب لها بالحق ده ويكتفل لها هذا الحق - 00:17:33

ولا يسمح لحاد بانه هيقول ايه آآ يعني يعتدي على هذا الحق لها ولو كان عمها ولو كان ابن عمتها ولو كان هو رجل صالح تمام؟ وهو في الكفاءة فعلاً كفر - 00:17:48

لكن يعطيها النبي صلی الله علیه وسلم هذا الحق. طبعاً في مسائل أخرى متعلقة لو هي اختارت اختيار مش كوييس او اختارت اختيار هو غير صالح طب هلولي يتدخل ولا ما يتدخلش؟ دي قصة تانية يعني مش هنفصل فيها دلوقتني لأن طبعاً احنا هنا قدام راجل صالح هو سيدنا عبدالله بن عمر واختيار آخر هو سيدنا المغيرة بن شعبة بس - 00:18:04

الكلام هيختلف لو كان الاختيار ليه اخترته مسلاً اخترت واحد بيشرب مخدرات ولا اختارت واحد مش عارف آآ آآ صايع ما بيصليش يعني اكيد الامور هتختلف. بس بس اللي اقصده هنا - 00:18:24

كفاللة النبي صلی الله علیه وسلم هذا الحق لها مش مجرد ومراعاة النبي صلی الله علیه وسلم تفهمه تفهمه لظرفها الاجتماعي ومراعاة لظرفها الاجتماعي النبي تفهم وراعي الظرف الاجتماعي اللي فيه البنت دي - 00:18:36

انها يتيمة مش معنى انها يتيم بقى خلاص ايه يهدر حقها في الاختيار. مش معنى انها يتيمة بقى ولها او وصيها آآ يسيرواها كيف يشاء ويفعل فيها ويفعل فيها. لا - 00:18:53

باتاخد حقها تأخذ حقها كاملاً مكملة النبي صلی الله علیه وسلم ينظر كيف ينظر للمرء كيف ينظر للبنت لا ده هي هي يتيمة ولا تنكح الا باذنها قال فانتزعت والله مني بعد ان ملكتها فزووجوها المغيرة ابن شعبة - 00:19:03

يعني ما النبي ما قالش طب خلاص ومش لا يعني هذا الذي اوصى به النبي صلی الله علیه وسلم حصل ونشوف ان ازاى سيدنا قدامة ابن مظعون او اه اذعن لما اوصى به رسول الله صلی الله علیه وسلم؟ وازاى سيدنا عبدالله بن عمر اذعن او اذعن - 00:19:24

لما اوصى به النبي صلی الله علیه وسلم وكان ما كان ده المجتمع اللي هم بيقعدهوا يفتروا عليه ويلقووا عليه بالشبهات ويظلموه وبهضم حقوق المجتمع اللي فيه كده فيه رسول صلی الله علیه وسلم على رأس هذا المجتمع بيعطي البنت حقها - 00:19:40
بان ما لا قلبها له تسير فيه بس آآ يعني انها بقى لها اختيار ومش اختيار لأبراحتها يعطيه هذا الحق ويراعي انها كونها يتيمة لا ده لابد تاخذ تأخذ حقها كاملاً مكملة - 00:20:01

ولا ولا يهضم هذا الحق ولا تنقص منه شيء فلا يسمح النبي صلی الله علیه وسلم بارغامها ولا ظلمها. ده اصل كبير من اصول التعامل مع البنات الا نسمح بارغامها او ظلمها وطبعاً الشواهد اللي على الكلام ده في الشريعة كتير جداً جداً في مسألة آآ زواج البنت ومش - 00:20:21

عارف ايه واختياراتها يعني للاسف الشديد لا طالما وقعت البنت في مصائب ومشكلات بسبب اختيار ولها بالنسبة لزوجها اه خدوا بالكم يا جماعة مش بس المشكلة بتقع ان مسلاً يجي ابوها او ييجي اخوها الكبير يجبروها على حد معين عشان خاطر والله اه هو اه في - 00:20:42

في في وظيفة مرموقة او عنده من المال كذا مش بس دي المشكلة. في مشكلة ثانية مرتبطة بانهم نفسهم صناعة تصوراتها عذراً صناعة المفاهيم بتاعتتها. يعني ايه صناعة تصوراتها؟ ان في الفترة اللي هي بتتربي في في حجرهم بيصنعوا تصوراتها - 00:21:02

ان انت هتبقي سعيدة لما تبقي مع واحد في وظيفة مرموقة وله حظوة آآ عند مسلاً السلطة ولا غيرها ان انت هتكوني في سعادة لما تكوني عند واحد معه من المال ومعه ومعه - 00:21:23

المسألة دي ان مش بس هو بيتم ايذاء البنت دي على مستوى ان يتم ارغامها او اجبارها لأن يتم صياغة تصوراتها ومفاهيمها بالشكل ده ما تباقاش محتاجة حد يرغمهها هي نفسها ما تختارش الا النوع ده. او يتم اهمال دينها - 00:21:38

بسكل يخلية لما تيجي تختار تختار الاقرب لهواها اختيار اللي هتجدد معه فسحة اكبر في مسألة انها تنطلق بقى ما حدش يقول لها

صلی و ما تصليش وتلبسي حجاب وما تلبسيش حجاب - 00:21:57

الشخص اللي كأنه هيطلعها من السجن اللي هي كانت فيه في تصورها هي. تختار النوع ده من الاشخاص وده خطأ احنا اخطأناه
برضه وانها لما تبقى بتدور على واحد او يبقى عندها مقاييس عجبها شكله - 00:22:14

اه عجبها كلامه انبهرت مش عارف ايه وما يبقاش ولذلك ولذلك من المهم من المهم انا اؤكد اهو عشان الكلام ده احنا بنجني ثماره بعد ذلك باكدا على ان الاسرة مش بس دورها انها تختار لبنتها الاختيار ومش عارف ايه وتقول لها لا ده هي اصلاً معايير ومقاييس -

00:22:29

الاختيار نفسها لابد ان البنت تكون متربية على المعايير السليمة وتفهم ان هي ما تفرج بال موضوع وتفرح باللي هو بعيد عن ربنا ده وتقول اصل اه كويس وانا هابقى منطلقة معه وبراحتي وهبقي عندي مش عارف اترج براحتة - 00:22:52

على ايه؟ وهم عمل ايه؟ وهو ده؟ وما تاخذش بالها من ان ده هيكون مش مش هيراعي ربنا فيها وان هو هيعدبها فهي تبقى فرحانة بجانب تتصوره هو جانب اصلاً ما ينبغي ان تفرح به - 00:23:10

وتهبقي في عندها تحزن من جوانب وتألم من جوانب فلابد ناخذ بالنا من المسألة دي. المهم الشاهد فهنا النبي صلی الله عليه وسلم بنشووفه ازاي لا يسمح بارغامها لا يسمح بارغامها - 00:23:24

او ظلمها ويعطيها حقها كاما في انها تختار اللي هي تريده وتحدد مصيرها ولذلك ده برضو داخل في باب العدل معها. العدل معها.
ويعني ده ربما تتعرض له لما نيجي للكلام عن الایتمام الاطفال - 00:23:39

الایتمام كفاءات خاصة برضه طيب وانا ما اقصدش وخاصة فئات اقل عشان بس كلامي ما يفهم خاصة انا في رأيي استشيل يعني يعني لها خصوصية بالعكس لها رعاية اكبر يعني لها اكرام اكرام اكرام - 00:23:59

يعني فعلاً هم يعني هم ناس يعني لهم مكانة خاصة فما يتتصورش من كلامي فئات خاصة يعني ده الانتقاد او لأ ده الخصوصية آآ ده عام وده خاص لأن عشان هم فئات فعلاً لهم مزيد عنانية - 00:24:17

ومزيد رعاية ومزيد اكرام. طيب اه بنشووف كمان سيدنا جابر بيحكي لنا بيقول قال رجل يا رسول الله مما اضرب منه يتيم يعني انا عندي يتيم ولد بنت طب انا اضربه من ايه - 00:24:37

لما اضطر خلاص اضربه اعمل ايه؟ قال مما كنت ضاربا منه ولدك غير واق ما لك بماليه ولا متأثر من ماله مالا المهم يعني ده حدث هنفف معه ان شاء الله بالتفصيل بعد كده لما نيجي نتكلم عن - 00:24:57

آآ الایتمام بس الشاهد هنا ان النبي صلی الله عليه وسلم بيقول ايه قل مما كنت ضاربا منه ولدك يعني لا انت لازم تعدل ما بين اليتيمة دي وبنتك ما بين اليتيم ده وابنك. خلينا في البنت دلو قتي ما بين اليتيمة وبنتك - 00:25:13

يعني ما تجييش ما تجرش على حقها لو حتى حبيت تعاقب تعاقبها باللي تعاقب منها بنتك. مش تيجي بنتك تخطي الخطأ وتيجي تقول ايه آآ خلاص يا حبيبي مش مش مشكلة ومش عارف ايه ودي تعاقبها وتفعل فيها وتفعل شوية وتفعل فيها - 00:25:32

بنشووف الكلام ده للأسف الشديد وبنجده حتى في البيانات التعليمية المؤسسات التعليمية. نجد مثلاً ان او بناتنا وبنات الآخرين. تجد

مثلاً المعلمة لو في الفصل او الحلقة وبنتها اخطأت ممكن تغض النظر عن الخطأ بتعاقبها. وحتى ما تبقاش عايز - 00:25:49

تعاقبها وحتى لو عوقبت تبقى متضايقه لكن غيرها تتحمس جداً لمعاقبتها وتبادر وتسارع في معاقبتها فدي دي مسألة مهمة جداً
ينبغي الانتباه لها فالنبي صلی الله عليه وسلم يعني شوفوا الى اي مدى وصل بالعدل - 00:26:08

ان حتى لما تريده تعاقب لما تريده تعاقب لأ تعاقب ده زي ده. طيب النبي صلی الله عليه وسلم من الحاجات العظيمة جداً في اصول تعامله مع البنات انه يراعي حبهن للزيمة - 00:26:26

ويهددهم. تعالوا كده نشووف الموقف ده اللي بتحكيه لنا السيدة عائشة بتقول اهدى النجاشي الى رسول الله صلی الله عليه وسلم حلية فيها خاتم من ذهب فيه فص حبشي النبي صلی الله عليه وسلم جاله حلية - 00:26:44

والحلية دي فيها خاتم من ذهب وفيه فص حبشي قالت فاخذه رسول الله صلی الله عليه وسلم بيعود هو يعني على الصحيح الذهب

مش نجس اه او ببعض اصابعه وانه لمعرض عنی. بس ده مقام مقام تعليمي. مقام ترکوي تربوي - 00:27:02
سيدنا النبي صلی الله علیه وسلم بیوصل للصحابۃ رسالة عشان یفهموا خصوصا الرجال ويوصل لهم رسالة آآ رسالتة في في الزهد في
متاع الدنيا کل يعني وانما الانسان ما یتشافش - 00:27:22

شريف اه جميل رائع ايه الحلاوة دي! ما شاء الله! مش عارف كذا! لا تمدن عينيك وكنا بنوصي المسألة دي دايما نقول ان ده بیوصل
لولادنا بیوصل لابننا النهاردة وبنتي النهاردة تشوفی للدنيا وشغفي بیها وفرحتی لیها وتطلعی - 00:27:32

لها والله يا سلام وجميل وهابل بل الموجع والمحزن ان يبقى بعض اهل الدنيا اللي هم عمالين زهقوا من الدنيا ومن شهواتها ومن
فتنه ولذاتها. ويجي مسلا الرجل الصالح او المرأة الصالحة ويشفو - 00:27:49

الكلام ده ويروا في عينه تطلع للكلام ده وحب له وشغف به واقبال عليه يبقى هم الجيفة اللي هم هربانين منها وجایین یشتکوا منها
بیشوفوا رغبته فيها وحرصه عليها. فهنا یسقط من نظرهم - 00:28:06

فالملهم يعني لأن برضو !! يعني هي مش مسألة !! اظهار حركات الزهد في القلب لا في التوب. الزهد بالاساس في القلب مش في
التوب يعني قد یلبس المرء ثوباً نفيساً ويكون قلبه زاهد وقد یلبس المرء ثوباً - 00:28:25

بخيساً ويكون للأسف الشديد قلبه متشفوف الى الدنيا او متطلع لها. المهم فالشاهد هنا ان النبي صلی الله علیه وسلم فعل ذلك فاخذه
بعود او ببعض اصابعه وانه لمعرض عنه يعني مش مهمتم به كتير - 00:28:43

ثم دعا بابنته زينب اللي هي امامۃ بنت ابی العاص بال العاصم بن الربيع بنت بنت النبي صلی الله علیه وسلم اھو بنت بنت
النبي صلی الله علیه وسلم. ما كانش النبي صلی الله علیه وسلم بيعتبرها بقى غريبة. وده كمان ابوها مش موجود يعني ما كانش
بيقول بقى لأ دي مش بتاعتنا ولا - 00:29:02

يعني المهم فقال تحلي بهذا يا بنية والنبي صلی الله علیه وسلم هنا ناخد من اصول التعامل ايه؟ ان سيدنا النبي صلی الله علیه وسلم
اول حاجة مركز على البنت في مسألة الاهداء - 00:29:23

وده برضو من اصول التعامل الكبرى مع البشر کل. النبي صلی الله علیه وسلم قال تهادوا تحابوا وکان بابي وامي صلی الله علیه
وسلم كان يهدي الناس كثيرا يعني كان يمارس مسألة الهدية دي كتير. ودي حاجة برضو احنا مقصرين فيها قوي في اصول التعامل
مع الاطفال - 00:29:39

قلت الهدية ان انت تهدي الطفل حتى ولو شيئاً یسيراً شيء یحبه ممكن آآ شوكولاتة یحبها لو ینفع يعني یاكلها مش هتوذيه. آآ حاجة
مسلا ممكن حاجة صغيرة کده اكسسوار بسيط کده لطفلة ممكن حاجة کده الولد مسلا ساعة ولا مش عارف ايه. حاجات بسيطة مش
لازم يعني تكون يعني مفهوم الهدية - 00:30:00

هي اللي فرصننا ان مفهوم الهدية بقى اجيب له حاجة ضخمة بمبلغ كبير. لأ الانسان الهدية يعني فيها بعد مادي وبعد معنوي والبعد
المعنوي فيها اهم من بعد المادي وبيبقى حاضر عند الشخص اكثر من حضور بعد المادي - 00:30:22

فلذلك احنا للأسف الشديد بنجد البعض لا هو لو ما یقدرش یجيب حاجة كبيرة ما یعملش کده. لا ده ممكن الهدية دي تبقى حاجة
بسیطة کده وجنبها کلمتين جمال کده وهذه يعني يكون لها قدر كبير عند الانسان. وفعلاً الهدايا دي بتبقى عناوين محبة. وتترك -
00:30:39

في النفوس. وبالنسبة للطفل کمان یفرح بها جداً جداً وبالنسبة للبنات کمان تفرح بالهدايا اكثر مما یفرح بها الاولاد اه حتى وان
بدت بسيطة. یبقى دي ده اصل مهم في اصول التعامل مع الاطفال. ربما بعضاً یبهمله. مسألة الاهداء. ايه المشكلة ان المعلم مثلاً کل
فتررة کده یجیب حاجة - 00:30:59

الطفل ده عارف انه یحبها ویهديها له وکنا اکدنا على المسألة دي قبل کده ان ضروري ان المعلم يكون عنده المعلم الجيد ملاحظ جيد
آآ جت تیتشرد جودو بزرفر فيكون عنده في ملاحظاته لاحظوا ان الولد یحب الشيء الفلاني. وممكن يأتيه بشيء من جنسه حتى مش
لو ما یقدرش یجیبه کله يأتيه بشيء منه کهدية - 00:31:19

يفتح بها قلبه يفتح بها قلبه. يعني الامر هتختلف كثير قوي. طفل انت عندك مشكلة ومشاغب وحاسس ان فيه حاجة فجاجة كده بشكل جميل مغلف بشكل يقول اداتها له يقول له دي هدية لك عشان انا بحبك ومش عارف ايه والكلام ده. فدي حاجات بسيطة لكن مهمة في اصول التعامل مع الاطفال. فالنبي صلى الله عليه وسلم يدعو - [00:31:39](#)

يبيت لها هاتوها تعالى وزي ما حصل مع في حديث آآ الصحابية الجليلة ام خالد اللي احنا قلناه قبل كده. آآ يدعو بها النبي صلى الله عليه وسلم آآ - [00:31:59](#)

ويهدىها طب برغم ان دي بنت يعني بنت بنتي ومش عارف وايه وكلام من ده لأ برضه النبي صلى الله عليه وسلم ما يقولش خلاص بقى يعني ده بيحصل احنا بنقول ايه - [00:32:11](#)

اه احنا بنصرف عليهم ومش كفاية بنوكلهم وبنشربهم ومش عارف ايه ده انا جايب لهم واعمل لهم طب ايه المشكلة ان احنا يعني في شيء يحبوه احنا ده هدية لك يا حبيبي ده هدية لك يا حبيبتي. والبنات بالذات. المهم - [00:32:21](#)

فينشوف هنا النبي صلى الله عليه وسلم راعي حاجة رأى جهن آآ للاهداء طيب الحاجة الثانية بقى حب البنات للزينة حبها للزينة وللحلي قال النبي صلى الله عليه وسلم تحلی بهذا يا بني - [00:32:36](#)

لذلك كان سبحان الله ربنا يقول قول معروف ومغفرة خير من صدقته يتبعها اذى احنا مطالبين بالاحسان المادي والاحسان المعنوي يعني مش بس يعني ان انت تدي حاجة مادية كوبيسة لأنقول كلام كوبيس - [00:32:52](#)

فالنبي صلى الله عليه وسلم يترافق بها ويقول يا بني انت لما تيجي حبيبي انا والله بحبك جدا عشان كده جايب لك الهدية دي انا يعني حباب انا اه يعني افرحك وادخل السرور على قلبك وجاي لك الهدية دي. حبيبتي انا عشان بابا بيرحبك اه عشان ماما بتحبك - [00:33:11](#)

انا جايبة لك الهدية دي فشيء بيدو بيقى بنلاحز كمان في تصرف النبي صلى الله عليه وسلم الاحسان المادي والاحسان المعنوي. القول الجميل كمان مع الفعل الجميل اه الاحسان بالاقوال والاحسان بالاعمال والاحوال - [00:33:29](#)

فقال تحلی بهذا يا بني ويراعي النبي صلى الله عليه وسلم حب البنات للزينة. وسبحان الله! زي ما قلت من الحاجات اللي تستوقفني ان شف ازاي النبي اصلا الاطفال حاضرين في حياته مش ناسيهم مشغول بهم - [00:33:45](#)

عادوا حاضرين في مجتمعه لانه بابي هو وامي صلى الله عليه وسلم البنت النبي هي عمل معها كده هيفضل في قلبها ذكرى جميلة حاضرة للنبي صلى الله عليه وسلم زي ما كنت بحكي لحضراتكم قبل كده على قصة اللي هي البنوتة الصغيرة بنت صاحبي هيفضل في قلبها ذكرى جميلة - [00:34:02](#)

لهذا الشخص يعني للشخص ده لما احنا لما اسمح لها انها تقعد معنا على الاكل وتأكل وتبقى واحدة راحتها وان وان نمازجها ونضاحكها شوية تمام حتى يمكن ساعتها قلت للاخ قلت له بص لو لو لقيتها بتتكلم كتير وعمالة ترغي ترغي وتعمل بيقى هي مبسوطة وفرحان. وسبحان الله فعلا بقى تتكلم وتجري وتضحك وببساطة - [00:34:24](#)

وفرحانة هذه اللحظة السعيدة او اللحظات السعيدة اللي حاضرة اللي حضرت في قلبها مش هتنساها ومش هتنسى ان كان مصدرها وكان سببها حد بيدو في في متدينينا يعني في سنة المتدينين - [00:34:47](#)

بيفضل عندها ذكرى جميلة الذكرى الجميلة دي يوما ما ممكن تردها ممكن اه هذه الذاكرة الجميلة تصد عنها اه سهام اه تريد انها تراودها عن دينها ولا تراودها اه عن اه يعني - [00:35:05](#)

عن عن استقامتها والتزامها فما يستهان بمثل هذه الاشياء للأسف الشديد يعني انا كنت بقول احنا كناس آآ يعني ملتزمين يعني كما يقول الناس او الناس المحبين للدين فبيقى فيه اشكالية واحنا كمسلمين بيقى فيه اشكالية ان احنا مركزين على نوع واحد من التقرب الى الله او انواع معينة من التقرب الى الله ان نتقرب بقى بان انا آآ - [00:35:21](#)

اعبد واصلي ممكن انا النهاردة مسلا عزرا انا بصلی عمال بقى مشغول بالصلوة ومش عارف ايه والكلام ده وبعددين بعد ما خلصت صلاة السلام عليكم السلام عليكم وبعددين لقيت ايه؟ لقيت ابني النهاردة جاي مسلا عامل حاجة او بنتي عملت حاجة آآ وانا مسلا وانا -

او مسلا مش عارف مش قدامي او مش عارف آآجه على ضهري انزل اضربي وبعدين مش عارف ايه مش بصلني اصبر انا يعني اوصل
وادي الرسالة انه يكره الصلاة والمصلين - 00:35:57

يكره الصلاة والمصلين لازم ننتبه للامر دى. لازم ننتبه لأن تلك المعاملة ذاك انت ممكن تكون بتصلني نافلة وهذا السرور الذي ستدخله
على قلب هذا الطفل قد يكون احب الى الله من هذه الصلاة - 00:36:10

احب الاعمال الى الله سرور تدخله على مسلم يعني ممكن يكون ده احب الى الله من الصلاة. لازم الناس تفقه الامور دي برضو. مش
يبيقى عمل عبادة عزيمة. ويجي يعمل حاجة غريبة جدا وتصرف غريب. بيحس - 00:36:27

الولد بيبقى عنده اه انطباع ان اه ان الصلاة دي مش مش ما بتؤثرش بسلوك الناس ولا بتهدب سلوكهم. هو نفسه حتى بعد كده لما
يصللي هيبقى عادي بيبقى فاهم ان الصلاة دي صلاة اهو شوية طقوس بتؤدي وخالص وآآآ وخلصنا القصة - 00:36:42

لأ يعني سبحانه الله ان يوصل انطباع لولادنا ان الصلاة دي كانها بتطلع تنين بيطاطع نار بعد ما يخلص هات لي فلان تعالى كده يعني باي
منطق ما هو دي بالعكس احنا عايزيته يحب البيئة بتاعة الصلاة لا يجد في هذه البيئة الا ما يسعده ويفرجه - 00:36:58

البيئة بتاعة المساجد اتكلمنا عن المسألة دي قبل كده. البيئة بتاعة مجالس العلم اللي فيها الناس الصالحين والصالحتات اه بيئه الاماكن
تعليم القرآن الكريم الاشخاص نفسهم يعني يحضر في في آآ في ذاكرته دائمًا ذكرى طيبة متعلقة بهؤلاء الناس - 00:37:19

الشاهد يعني اللي اقصده ان هنا بنشوف النبي صلى الله عليه وسلم ان الاطفال مش غایبين عن باله مش غایبين عن باله زي ما هو
بيشوف الناس اللي في المكان ده وعايز بيسطهم او يكرمهم او يسعدهم حتى الطفل الصغير الذي في هذا المكان هو منتبه له. ومبالي
به وممش ناسيه اصلا - 00:37:42

طيب وهنا لابد ان احنا نفتح مسألة وهي مسألة مراعاة حب البنات للزينة قال ربنا اؤمن ينشأ في الحلية. ربنا بيكول كده انما مش
احنا هو الله خلقها تحب الحلية - 00:38:01

هي تحب الزينة ولذلك اه زي ما قلت لما بنغلق ابواب الحال للأسف الشديد كانتنا بنفتح لهم ابواب الحرام ونحن لا نشعر يعني النهاردة
عذرا يعني انا بنتي مثلا تسع سنوات عشر سنوات او حتى اصغر من ذلك. وهي تريد انها في البيت تلبس لبس جميل كده شيك ومسلا
ممكـن - 00:38:18

ان تضع بعض الحاجات المكياج ولا مش عارف ايه ولا تحط كحلة ولا كزا. لا عيب ما تعمليش كده. انت زي مش عارف ايه. انت ايه
اللى انت لابسا ده - 00:38:43

البسي لبس محترم محترم طب هي تحب الزينة يعني تحب تحب الشكل ده لأ ما ينفعش مش عارف ايه يعني مش عايزة اقول
للأسف الشديد هي بتبقى بتستنى اللحظة اللي هتعمل فيها الكلام ده - 00:38:53

لأ مش كده بقى ممكن تعمل الكلام ده الغلطة الثانية ما نتنيش على تزينها وجمالها وكلام من ده يعني لما نشوفها بالشكل ده ما شاء
الله قمورة يا بخته اللي هيتجوزك ايه الحلاوة دي ايه الجمال ده؟ هي تحتاج الى هذه العبارات - 00:39:10

يبقى تبقى متشوفة لهذه العبارات خارج المنزل للأسف الشديد ربما تبحث عنها في حرام انها دائمًا يعني للأسف وانا يا جماعة باحدز
هنا احذر احذر ممكن يكون بنتك مش على قدر كبير من الجمال ممكن مسلا لون بشرتها - 00:39:27

اللون اللي مسلا ربما يوصف بالجمال ممكن مسلا وزنها شكلها حجمها ايا كان فاياكام ايakan ان احنا نقدر نقول كلمات سلبية كتير على
شكلها ده يخليها بتبحث عن حد بيثنى على شكلها حتى في الحرام. النهارده يا جماعة الموضوع سهل جدا ضغطة زر تكون في عالم
تاني بتتكلم مع ناس تانية بتتواصل مع ناس تانية - 00:39:45

قد تقع في مناكر كبير فلو سمحتم مش هقول بقى يعني اثنوا على جمالها ولا شكلها ولا يعني ادخلوا السرور على قلبها بالكلمات دي.
على الاقل للتقديرات ما تقولهاش كلام سلبي يضايقها - 00:40:07

ما يتوصلهاش عباره ده انا مش عارف ده انا عاتلي هم البنت دي هنتجوز ازاى. انت اصلا حلوه هو انت مش عارف ايه لأ يعني الكلام

السلبي ده احنا لازم ان ده اصلا من الحاجات المهمة جدا احنا برضو مبناخدش بالنها ان دي من الحاجات المهمة عند الطفلة البنت ان
البنت عارفة ان مسألة الجمال - 00:40:23

دي بالنسبة لها حاجة مهمة جدا والجمال نسيبي سبحان الله! مش مش مفهومنا احنا ممكن هي في عيننا احنا مش جميلة وه تكون
جميلة في عين حد ان شاء الله ربما يأتيها يتزوجها. يعني الجمال ده نسيبي - 00:40:40

يعني هذه البنت بنجرحها ونكسرها ونعمل فيها وبتضطر بعد كده بسبب اهتزاز ثقتها في نفسها انها تحاول انها تبحث عن الكلام ده
من وراء من وراء ستار من تواصل على فيسبوك ولا تواصل مش عارف على السوشيال ميديا مع اي حد عشان خاطر هي هي يعني -
00:40:52

فاقدة الثقة في نفسها وحاسة انها مدمرة ومحطمة فالله يكرمكم الله يكرمكم الكلام ده في منتهى الالهامية واحنا عايزيين انا مش همي
ان انا اقول كلام وخلاص الكلام ده لو لم يتم ازاله على الواقع مش هيبي له معنى وليه - 00:41:10
فده دي مسألة ينتبه اليها جدا لو سمحتم على الاقل التقديرات احنا ما نقولش كلام سلبي ما نقولش كلام يضايقها ما نقولش كلام
يفقدها ثقتها في اللي ربنا وهبها اياه - 00:41:24

يعلم الامور دي سبحان الله مش مش يبقى عندنا مقاييس ان البنت دي مش عارف امبرورة وجميلة ودي ما نقارنهاش باختها ما
نقارنهاش بحد تاني. النقطة الاولى. النقطة الثانية - 00:41:34

يعني للأسف الشديد ان كان في زي دراسة كده اتعلمت على البنات اللي هي بتتبرج وتخرج في الشارع. تتبرج تخرج في الشارع.
وجدوا ان قطاع كبير من البنات دي هي واحد من اسباب - 00:41:45

التبرج انها عندها زي عطش لانها تسمع كلمات الثناء على مظهرها ان اه ايه الجمال ده! ايه الحلاوة دي! يا حلوة! مش عارف ايه بتاع
القرف اللي بيعلمه في الشوارع ده! آهي بتبقى قاصدة الكلام ده. ولذلك لما يتم اشباع ده بالحال - 00:41:55
دي داخل بيتها ان والدها بيثنى على شكلها واختها بتثنى على شكلها وامها واخوها والكلام ده في البيت وهي مسلا نفسها تلبس لبس
معين زي اللي بت Shawf في الشارع تمشي به في بيتها ما تمشي به في بيتها - 00:42:10

ونفهمها ان في ضوابط لأ ده ما ينفعش تخرج في في balcone ده مش عارف ما ينفعش يكون في مواجهة مش عارف ايه ما حدش
يشوفه في بيتك براحتك. اخرجي من بيتك خلاص انت شدي عليك حجابك وتمام - 00:42:22

وزي الفل والكلام ده اللي اباوه الله من حرموش ونبيجي في الاخر للأسف الشديد احنا بنصنع انسان انسانة تلاقيها هي بقى لو راحت
مش عارفة عند صاحبتها تقدر تعمل الكلام ده. لو راحت مش عارف عند مسلا بيت جدها واحنا مش واخددين بالنها - 00:42:32

هتعمل الكلام ده فضلا عن انها ممكن اول ما تتحاول لها فرصة ممكن بقى تتنازل عن حجابها وتخرج في الشارع بکده. سبحان الله!
خلقها تحب الزينة واحنا ما ترسل الامر من منظورنا احنا وما نقولش مش محتاجاه واحنا قلنا ان الحاجات البشرية مش لازم تبقى
كها حاجات مادية اكل وشرب وخلاص. هناك حاجات وجذانية هناك حاجات - 00:42:47

نفسية حاجات متعلقة حاجات تخص البنت ما ننذرهاش من منظور ذكري ولا الام تنذر لها من منزور انها دلوقتي يعني سبحان الله
بستغرب جدا من الامهات اللي بتتنسى ايه؟ انها كانت في المرحلة دي هي كانت زي بنتها بالضبط. لكن بقى لما كبرت بقى وبقى
عندها خمسة وتلاتين سنة ولا اربعين سنة نسيت - 00:43:08

نسيت ان في المرحلة دي هي نفسها كانت محتاجة للكلام ده. وكان الكلام ده بالنسبة لها مهم. طب عزرا هنفترض جدلا حتى انها في
السن ده ما كانتش شاغلة بالكلام ده خالص. وما كانش - 00:43:30

محتاجاه برضو من المشاكل اللي بتقع فيها البيوتات مقارنة الام لبنتها بها تقول لها أ وأنا كنت في سنك انا كنت وانا يعني مش
عايزين مدرك ان الزمان غير الزمان وان الانسان غير الانسان ومش لازم بنتي تكون كوبى مني - 00:43:40

اهتماماتها اهتماماتي اللي بحبه اللي بعمله بتعمله. ممكن تكون الام دي اهتماماتها مسلا علمية او اهتماماتها مش عارف ايه.
والبنت لا ممكن تكون عندها اهتمامات في جانب اخر. فعايزها - 00:43:55

بعافية زيها عايزاها زي ما هي بتعمل هي بتعمل بالضبط وعايزاها زي هي بتفول هي بتفول بالضبط. وعايزاها اهتماماتها حتى في المرحلة دي زيها. لازم نراعي المسألة دي. يعني دي حاجة - 00:44:05

متهى الاهمية يا جماعة مش بس بقى على مستوى كده على مستوى والله مستقبل البنت دي. البنت دي حتى بعد كده بقى لما تزوج تزوج ولا تبقى في بيت هي ما تحسن تزهن - 00:44:15

زوجها ولا اتباعا له هتبقى عندها مشكلة اصلا بعد كده في بيتها مشكلة في فقد الثقة في نفسها. يعني فقد الثقة في انها للأسف الشديد بعض البيوتات من كتر التضييق الحاصل ده يجب الرجل - 00:44:25

حتى في في في بيته اشياء ما تتصور اصلا. المهم يعني الخلاصة اللي انا عايزة اقوله مراعاة حب البنات للزينة مراعاة حبهن لمسألة الثناء على جمالها. ودائما كنت اقول كده النساء بالزيات او البيان بالزيات لا تيجي لها في الاكل ولا في الشكل - 00:44:40

لان دول امرئين يعني هي بتعمل اكل حلو ولا وحش والشكل حلو ولا وحش؟ دي حاجات مهمة تراعي وبابي وامه صلى الله عليه وسلم كان يراعي هذه الاشياء في آآ اصول التعامل قواعد التواصل مهارات التفاعل مع البنات. ولا يزال الحديث متصلًا ان شاء الله في هذا الامر المهم. آآ نسأل الله عز وجل ان يجعل - 00:45:00

لنا من التأسي بالنبي صلى الله عليه وسلم في هذا الباب وفي غيره اثر الحظ والنصيب. اقول قولي هذا واستغفر الله لي ولكم ودمتم بخير. والسلام عليكم ورحمة الله وبركاته - 00:45:20

ساعدني يا رحمن واسقي حياتي قرب - 00:45:30